

厦门诗词

(第五期)

厦门市诗词学会编印
一九九八年十二月

厦 门 诗 词

(第五期)

主 编:黄拔荆

副主编:林严心

谭南周(常务)

张簪塔

方友义

厦门市诗词学会

一九九八年十二月

目 录

海外吟声

林志良	(1)
林 山	(1)
陈伯才	(2)
陈国展	(3)
孙静芸	(3)
叶湘萍	(3)
吴剑锋	(4)
张宇屏	(6)
林恭祖	(7)
陈友忠	(8)
黄清源	(9)
龚书绵	(10)
蒋治平	(11)
潘善福	(12)

海内友声(以姓氏笔划为序)

毛谷风	(14)
王文英	(15)

王祚林	(16)
冯志成	(17)
朱 帆	(18)
刘任炳	(20)
刘膺濂	(21)
许有信	(22)
尽 心	(23)
李 夏	(23)
李曙初	(23)
张正洲	(25)
张志民	(26)
林 彬	(27)
林从龙	(29)
林祖炳	(29)
赵怀青	(30)
施子江	(31)
徐超墀	(31)
黄心培	(33)
黄桂枢	(34)
黄添成	(35)

符逸公	(35)
鲁 言	(36)
会员诗什(以姓氏笔划为序)	
方成孝	(37)
白 鸿	(40)
朱鸣岗	(41)
朱明翰	(43)
许国仁	(44)
李 逸	(46)
陈志荣	(49)
陈秀卿	(51)
陈守举	(52)
吴 斌	(56)
张人希	(59)
张宗洽	(61)
张簪塔	(62)
沈天民	(63)
杨永建	(66)
林 岑	(68)
林英仪	(71)

林丽珠	(73)
罗 钟	(76)
骆炳南	(77)
姚宗元	(80)
柯哲为	(81)
高 怀	(85)
黄拔荆	(90)
黄宝奎	(94)
黄建琛	(98)
谢澄光	(99)
赖春燎	(103)
谭南周	(104)
戴光华	(107)
厦门市诗词学会章程	(110)
厦门市诗词学会第三届成员名单	(113)
厦门市诗词学会会员通讯录	(115)
望风垂泪吊英魂	(119)
瀛海唱和	(124)

海外吟声

林志良 印尼诗人。已故。

祝贺厦门诗词学会成立六周年
诗词创会六周年,发表佳章千百篇。团结精诚
连海外,骚坛盛事史无前。

厦门锦华阁南乐社成立一百三十周年 纪念

锦华成立百卅年,庆典辉煌共整弦。邀请嘉宾
情意厚,欢腾热闹乐无边。
欢迎弦友远方来,演奏乡音尽艺才。丝竹幽清
声韵雅,倾闻不厌笑颜开。

林 山 香港诗人。

戊寅元宵

火树银花天不夜,升平歌舞闹元宵。特区一派

繁荣景，寿果人勤百卉娇。

诗人节

漓江画鼓振天声，节代端阳近始名。吾辈盘桓逢此日，先贤忧愤了余生。诗成哀郢空遗恨，赋读怀沙更系情。一缕骚魂沉楚水，千秋犹作不平鸣。

陈伯才 菲律宾诗人。

厦门锦华阁南乐社成立一百三十周年志庆

唯有南音意最绵，省亲还国竟年年。锦华阁上阳关曲，游子天涯永系牵。

星洲有感

二度重来景色新，漫游旧地解愁人。细观文物情何限，故国风怀感慰频。

陈国展 香港诗人。

厦门锦华阁南乐社成立一百三十周年志庆

聆赏箫弦自适然，登临华阁益流连。名伶一曲阳春调，犹带余音入梦缠。

孙静芸 台湾诗人。

迎嘉宾

秋高气爽迎嘉宾，况是佳辰秋节邻。为表一杯诚挚意，交流文化幸逢纯。
骚坛今又集佳客，文化交流挚热心。放眼乡情融几许，清风明月两相岑。

叶湘萍 台湾诗人。

迎春并候十庐主人

南国江山天下最，骚坛墨客八闽多。桃花又向春风笑，试问十庐老九何！

七夕感怀

天涯仅仅隔条河，底事千辛渡不过。莫问天孙愁几许，应怜我发已皤皤。

悼念汪济诚老弟

四十年来同一命，他乡风雨苦相期。君今撒手人间过，我岂伤心祇泪垂。

吴剑锋 台湾诗人。

八闽名士游览高雄澄清湖

照海文光射斗牛，澄清湖上萃名流。才能用世仁兼善，诗欲扬名德并修。避地久为鲲岛客，谈天喜共竹林俦，不辞跋涉披襟约，携手同登画阁楼。

令节题襟乐唱酬，台湾名胜共优游。思清须得山川助，诗俊还从典籍求。花气撩怀湖岸路，涛声送籁水桥头。可凭健笔扬骚雅，尽请飞觞发楚讴。

万顷奔涛百尺楼，八闽名士莅南洲。旗亭话旧留诗史，杯酒交欢尽胜俦。大笔挥消云树感，吟声划破海天秋。月圆美景岚光丽，他日相相约再游。

敬陪群雄中秋日月潭赏月

卅年磨剑海之湄，今舞尊前未算迟。身手天留应不负，江山我在尽成诗。劳生得聚宁辞醉，积愆同倾各展眉。月映明潭堪照影，未嗟霜雪上青丝。

凉天皓月聚相知，裙屐联翩盛此时。宝岛名山迎远客，中秋佳节共鏖诗。他乡寻梦家千里，故土情牵水一涯。促膝畅谈今古事，登楼豪气醉琼卮。

坐爱晴空月满规，更阑玉镜影潜移。西窗剪烛成佳话，北郭联吟赏赋诗。风雨多情留杰士，

江山无恙寄幽思。今朝有幸同欢畅，莫向樽前说别离。

张宇屏 台湾诗人。

南投日月潭“戊寅中秋海峡两岸诗人联吟大会”赋感

律和同歌海宇清，一轮香满此心明。戏蟾真欲梯云取，对影相邀曳杖行。赤壁流舟苏子赋，草堂秋兴杜陵声。蓬莱宝岛传佳话，涵碧楼前纪盛名。

潭容岛色岸风清，日月光华一镜明。北望天心归禹甸，南飞兔魄到蓬瀛。秋分最爱三更坐，志远常怀万里情。乐此登楼杯酒赋，交流两岸结诗盟。

满庭芳·戊寅中秋诗会日月潭

日月光华，楼台气色，一潭秋水烟霞。染青涵碧，明镜面新纱。德化村边岭路，慈恩塔、反哺

昏鸦。凌波处、因缘自在，安奉佛陀牙。
堪夸名胜地，吟旌展礼，兴会诗家。逸韵骚风
起，笔也生花。兔魄梯云看取，蟾宫近、喜共天
车。山河颂、谁开峡锁？携手乐无涯！

林恭祖 台湾诗人。

两岸心声

弱水三千人可渡，蓬莱隐隐白云深。欣看鹤为
群朋舞，谛听龙因两岸吟。地转九州升晓日，
天回四海播潮音。众鲸喷起连云浪，化作飞花
绚古今。

地濒赤道北回归，鸥鹭成群逐浪飞。喜有渔樵
怀永历，宁无山水忆玄晖。舟经沧海天为岸，
人在瀛洲月作砒。裁剪烟云君莫笑，朱霞为我
作仙衣。

葩经三百思无邪，佳节联吟醉落霞。宾主今宵
同赏月，闽台自古不分家。墨磨海峡千层浪，
笔写蓬山万树花。潭里钓诗鱼亦乐，诗潮汹涌

遍天涯。

海上巍巍有玉山，曾闻鸛鸟话绵蛮。夷吾一怒峰回转，梁父沉吟人未还。鹿港长波通大陆，鹅銮巨浪接菲湾。千年神木知多少？都在苍烟翠雾间。

水曲山歌音独悠，鱼虾草木亦风流。客从日月潭中渡，诗向烟霞天外求。回首玉峰人并寿，洗心岸瀑影长留。试携彩笔题新句，灵感如泉撼古丘。

脚踏蛟龙万里风，眼穿南北看西东。身随曲径千重转，心与长天一线通。红日满山天更健，卿云在岭鸟盘空。海隅尽是苍生地，共为苍生赋大同。

陈友忠 台湾诗人。

戊寅中秋海峡两岸诗学交流日月潭 联吟感赋

潋滟光华日月潭，清流宁似圣明覃。慈恩浩荡

神思寄，德化轻盈杵舞参。难得玉盘同懋赏，
矧逢佳节共吟谈。天风吹袂翩联意，两岸诗心
皎镜涵。

应缘人望月当头，此夕银辉万象流。玉宇澄清
星影动，潭壶皎洁露华浮。三山和气申高咏，
两岸文光聿正猷。大汉天声欢唱和，请君毋忘
戊寅秋。

黄清源 台湾诗人。

戊寅端午忆灵均

凌厉词章旷世奇，每逢佳节自令仪。追伤七泽
沦忠骨，嗟叹九歌鸾凤诗。

泽畔行吟情未已，爱君忧国宅心坚。莺飞草长
江南梦，捐佩怀沙浪拍天。

大野温风季湿干，垂枝未定鸟栖难。飞霜急节
潇湘雨，猿啸千溪楚水寒。

逆曳圣贤寅虎年，方中倒植恨千千。吁嗟默读
离骚句，凤逝飘香万古传。

戊寅中秋海峡两岸诗学交流日月潭 联吟感赋

约践鸥俦鹭侣邀，团圆节庆度良宵。为传国粹
双肩任，鼓吹汉声万里超。清咏阴成棠棣爱，
大文歌是熏篪谣。桂觞围坐谈分饼，天影云
容两岸桥。

引望嫦娥出绛霄，光华岛上涌人潮。冰轮皎洁
缘同赏，玉兔分香兴倍饶。涵碧楼前笙管起，
化蕃社里酒旗摇。高吟且吸杯中月，莫放诗情
在灞桥。

龚书绵 台湾诗人。

欢迎海峡两岸诗学交流联诗会诸诗 词长

故原神骏壮一师，浮海宣诚信可知。却话江城
鲈鱼脍，敦亲睦族总相宜。

泰岱玉山原一脉，奚堪怨对海扬尘。雄深卓越

匡时策,有待骚坛众雅人。

洛阳古渡碧江滨,才调长流弥足珍。莫道东来诗味浅,举杯共叙汉家春。

粉乡诸雅士,橐笔访蓬瀛。每忆华年候,长牵故梓情。诗风传海峤,月色满桐城。千里婵娟共,联欢尽一觥。

蒋治平 台湾诗人。

戊寅中秋台海两岸联吟

中华诗海起风雷,虎啸龙吟第一回。两岸联吟歌大雅,连朝咏绩铸银杯。和平统一计时待,文化交流渡海来。民族和谐齐努力,弘扬诗教仰高才。

佳节联吟大海滨,高风亮节忆贤人。忠奸莫辨怀王昧,生死不辞屈子真。世局推移人物老,河山分合岁华新。以诗会友文缘好,冤地迎宾分外亲。

世纪更新远景明,悠悠历史向前行。和平缔造